



Jumat, 03 Mei 2024
Ogen: Pengerana 7:25



Tetap Erlajar



Setelah berusia tua Socrates belajar musik. Lalu ada orang yang berkata kepadanya, apakah engkau tidak malu belajar di usia tua? Dia menjawab, aku merasa lebih malu menjadi orang yang bodoh di usia tua. Perkataan ahli Filsafat e jadi penjemba man banta lako tetap erlajar amin pe enggo metua. Erlajar i bas kerina dampar kegeluhen. Melala kita erlajar, melalakang si lenga si eteh. Tuhu labo sempurna pemetehna tapi sitik-sitiklah gia banci si erti kerna kegeluhen enda.

Si nuliskan kitap Pengerana enda pe erbahan penungkunen penungkunen i bas pusuhna kerna erti kegeluhen, tapi labo ia ngasup ngertikensa. Amin bage gia iteruskenna erlajar guna ndatken kepentaren. Arah kepentaren e datsa rukur maka Dibata nge si mereken kegeluhen e man banta. Adi si usur-usur pe ngukurisa arah pemetehna, la dat tampukna. Kepentaren e mabai kita ermeteruk ukur maka labo terjului Dibata si enggo nepa kegeluhen doni enda.

Penulis kitap pengerana enda pe nuratkensa maka jahat kap kebodohen, sabap cukup akapna asa pemetehna si enggo lit, la ia nggit erlajar kerna perbahanen Tuhan si rejin man tinepana. La ia nggit erlajar kerna sura-sura Tuhan. Ia ernalem kempak pemetehna jine. Si la nggit erlajar e kejahatan nina kitap pengerana.

I bas kegeluhenta pe melala situhuna si lenga si eteh, apai ka kerna turi-turin kegeluhen. La si eteh kai si jadi wari si pepagi, la si eteh uga cara Tuhan erdahin mpekena-kena geluhta ras sekelewetta. La bali perbahanen Tuhan man banta ras man kalak sideban. Tapi tangkas nge kekelengenNa man teptep kalak si malang baNa. Jadi si perlu ipelajari uga cara nehken kekelengen Tuhan man sekelewetta.